

欽定剿平三省邪匪方略

欽定剿平三省邪匪方略卷首

天章

高宗純皇帝聖製詩

湖北巡撫惠齡奏報生擒邪教首逆聶傑人詩以

誌事
以下丙辰

湖南叛逆苗師征不得已地險逆苗衆者定踰年俟

去歲二月初間據總督福寧提督劉君輔湖南巡撫
姜晟貴州巡撫馮光熊各奏報貴州逆苗石柳鄧糾

約湖南逆苗石三保等滋擾焚掠幸福康安先以整
理錢法調任雲南總督聞信卽馳赴貴州連克正大
喚腦松桃三圍又和琳新授川督自藏赴京陛見甫
入川境聞秀山亦有逆苗滋擾卽改途馳往剿除與
福康安合兵楚南屢次焚剿逆匪苗寨無算并擒獲
首惡吳半生解京逆苗勢已窮蹙惟該處山路險峻
又多霖雨至今已踰一年尙待蕩平之信爲之日殷企望

裏邪教乘此釁一二作亂起

幸該省去歲收成豐稔
雖附近苗寨之處猝被

搶掠而通省民情安帖不意湖北邪教聶傑人劉盛
鳴等窺伺湖北各營官兵調往湖南乘此起釁在枝
江宜都等處糾集匪徒肆行搶奪署湖北巡撫惠齡
適在荊州經理軍需一聞此事隨卽帶兵馳往擒獲

一百五十餘人而逆匪等旋即逃往
江家壩大山之內冀圖負隅抗拒
賊首聶傑人聚

匪謀不軌官軍剿屢勝守險學苗子

畢沅駐湖南辰
州辦理軍營接

齊聞信即馳回會同惠齡簡調荆州滿漢官兵並鄉
勇等入山剿捕官兵鼓勇直進當即剿殺二百餘人
生擒數十名逆匪竄入灌灣腦及太和山內藏匿我
兵隨於太和山駐劄扼其要害惟是該處山徑陡雜
賦匪恃險負固其情形幾
同南省逆苗實堪痛恨
向餘邪教流猖狂聚蜂螳

當場竟戕官督往親剿洗先撫安荆州民心胥定救

前此四川大寧縣匪徒謝添肅與竹谿縣之王占魁
陳金玉等傳習邪教一案經福康安等訪拏懲治不

謂此番聶傑人等仍假白蓮教名色糾衆倡謀敢肆
猖狂近又據畢沅等奏江北當陽縣被賊占據戕官
難民大半逃至河洛鎮地方畢沅一聞此信卽分兵
馳回荊州安撫地方民心平定一面檄催豫兵速到
一面先自酌帶兵將徑赴當陽該
縣地處平川諒不難於收復也 撫駐太和山相機

進無止今接飛章報生擒渠魁矣賴征苗二督由南

助軍至

叶 惠齡駐太和山軍營相機進剿今據馳
奏逆匪等因官兵連次奮勇剿殺暗於深冲

鳳凰山添派匪徒踞守該處山高路險爲賊衆緊
要隘口必須一鼓剿散方可直逼賊巢適福康安和

兩自湖南軍營派來協剿之鎮筸鎮總兵富志那
已到卽與商定於二十一日黎明分兵兩路進剿 兩

路批險要奮勇入臨咫尺無不一當百羣賊逃披靡勢

知不可當五人親出跪

惠齡與富志那派撥已立該鎮卽統率叅將許文謨佐領

額貝等帶兵進取鳳凰山惠齡自率副將額勒金保
防禦台興等帶兵進取深沖口該二處各聚匪徒數
百人嚴密把守惠齡所帶官兵直撲賊卡鎗箭齊發
並用大礮轟擊登時殺死賊匪二百餘人餘匪紛紛
四散適富志那亦將鳳凰山之賊剿散占據山梁百
軍會合見山後逆匪結隊直撲前來千總劉健標先
將手執白旗賊目射斃守備劉管城拏獲賊目一人
官兵乘勢直前人人奮勇一以當百殺賊二百餘人
生擒三十餘人正在長驅深入之際逆首聶傑人見
官兵驟至勢不可當料難逃竄卽帶同匪夥熊太山

等五人自山跑下直至軍前叩頭納命惠齡等卽委員將各犯解赴營中看守一面仍督領官兵覓路進剿逆匪先於山坳各處埋藏地雷四處衝起賊匪隨聲分路而下以冀邀截官兵後路而惠齡等亦用大礮擊之督率兵丁奮勇剿捕賊勢力不能支問其起始向內山逃遁時天色已晚因將官兵暫駐

事出則更他人委云惟張正謨白蓮教首是乘虛恣

搶攘圖利與奸鄙指日大軍進

官軍回營卽提訊聶傑人起事緣由據其

稱伊子聶池向拜張宗文爲師學習白蓮邪教張宗文之師張正謨因地方官查拏甚嚴適見各處官兵俱調往湖南出征遂乘虛糾約同教謀爲不軌衆人因其家道殷實推伊爲首邀同夥數百人攜藏器械

旗幟符帖等物隨被該縣訪聞生拏張正謨等卽率衆抗拒搶劫糧石脅人入夥因聞官兵前來先避入江家壩內今見官兵奮勇伊子聶池又爲鄉勇所殺是以心懷畏懼早圖投出復爲張正謨攔阻所有逆謀俱係張正謨主持該犯並不與聞其劉盛鳴亦聽張正謨約束現在同教者約有二千餘人餘皆擄掠脅從反覆詰究矢口不移該犯等敢於光天化日之下聚衆謀逆實屬罪大惡極今該犯畏罪投出將一切逆謀均委於張正謨明係恃無質証藉詞狡卸惠齡已委派委員先將該犯迅速解京現在張正謨雖未就擒而日前所調河南南陽鎮兵一千名陝西興漢鎮兵一千名西安將軍恒瑞所帶官兵二千名又續調河南兵一千名卽日陸續可到大軍會合聲威益盛無難剿洗淨盡正犯全俘迨解送到京嚴刑懲

治以正國法而快人心俾邪教根株盡絕湖北
綏靖想湖南苗寇亦可不日就擒捷音卽至矣
正犯

授俘適牢縛並送京待至嚴刑理因思宿愛民良心
孰無彼何當有叛亂虔劉致民系繼念究予過教化
未臻美五字仍自責爲愧非爲喜

總督畢沅奏圍攻當陽城賊情形詩以誌事

昌雨督軍直薄城

畢沅馳抵荊州後一聞賊匪佔據
當陽縣城不待所調豫兵到齊卽

先督率現有弁兵赴河洛地方整頓齊集犒賞鄉勇
多方激勵奮勇直前先遣土人偵知賊人聞有官軍

進剿豫令匪徒千餘在相距當陽十里之蘇家河北岸紮卡抗拒蘇家河爲當陽要道必得擒佔方能渡河進攻縣城因於廿五日派荆宜施道高杞護宜昌鎮副將黃瑞等帶兵丁鄉勇分中左右三路衝出畢沅隨後督押將抵賊卡時鎗箭齊發殺斃賊人二百餘賊人不能抵敵梟水棄卡逃回我兵卽搭浮橋過河追逐適大雨如注晝夜不止官兵卽於二十八日冒雨進發直前撲擊將賊人距城四五里外所設之卡全行奪獲賊遂捨命狂奔

分攻四面進圍縈

茲據畢沅

遁入城內我兵直薄城下

奏賊人竄入城中聚集醜類於城牆之上悉力拒守適副都統成德南陽鎮總兵阿克東阿糧儲道舒永阿均於二月初一日齊到當陽會同商酌分爲四隊同時齊發令高杞黃瑞帶領弁兵鄉勇從其南成德

率同佐領貴福等帶領驍騎校兵丁從其北阿克東
阿舒永阿帶領河南官兵從其東遊擊烏爾卿額什
圖等帶領弁兵從其西四面圍攻並檢閱賊人所放
鎗礮中鎗子多鉛條鐵丁石子之類知其不久即可
攻破悉

數殲擒

向牆鎗礮發逾震據堞蟻螻倒應聲

官軍於
四城門

外各安設大礮數尊轟擊現在東面城樓已經擊坍
四周城身亦漸有裂縫之處因令就裂處盡力轟摧
晝夜不息賊人雖於女牆之上用木版遮擋而官兵
鎗礮齊發賊人應聲撲倒者不計其數且稱各屬鄉
勇或願保守村莊或願從兵殺賊人人奮勇爭先並
因恨賊切齒又皆認識者多各鄉勇盤獲有身帶符
錄及衣服內有紅白布條爲記者卽皆
撲殺合之官兵所殲亦已不下萬餘
數日之間期

可破羣奸其黨俾無生微嫌失算用下策原我官城
勞重營官軍用礮轟城固亦一法但賊踞官城與自
守礮若不同此時但知摧毀捕賊賊平後仍
須補築未免徒費帑項何如設法攻圍聲
東擊西俾其潰出設伏擒殲尤爲上策乎

總督畢沅巡撫惠齡奏剿殺湖北邪教賊匪情形

因降旨蠲免被賊各州縣錢糧詩以誌事

湖北邪教民作亂肆狂狙因征湖南苗兵往綠營虛
紛起恣搶劫勢不可爬梳督撫率軍旅速剿期靖諸

撫旣獲首醜解京馳驛途

湖北鄖陽府屬竹山等縣地方前歲有邪教匪徒滋

事雖大加懲創究搜捕未淨今歲二月初因湖北緣營兵丁各調赴湖南剿苗營汛未免空虛匪衆乘釁生心猝於荊州府屬之枝江宜都等處起事搶劫滋擾署巡撫惠齡在荊州辦接濟湖南軍餉聞信卽帶兵剿殺賊匪百數十人官軍追至鳳凰山而總督畢沅在辰州聞報亦卽馳回會同督辦嗣畢沅又聞當陽等處亦有賊猖獗旋卽回赴荊州督辦而福康安和琳自湖南軍營派總兵富志邪等前來協剿惠齡當卽分兵兩路奮勇攻克鳳凰山深冲口殺賊甚多正合圍梁入之際逆首聶傑人自料力不能逃竄卽同匪夥五人至軍前叩首乞命惠齡將該犯等械繫解京並訊起事緣由該犯供稱尙有張正謨爲傳習

邪教首惡現在屯踞灌灣關山嶺冀圖抗拒續據惠
齡奏連日大雨賊人潛來窺探官兵冒雨追殺斃賊
甚多用礮攻擊賊勢窮蹙並設法分兵於山後覓路
壓下使賊腹背受敵俟所調兵到即可一鼓殲擒全
俘首逆矣督迴赴荊州鎮靜民安居賊時陷當陽遂以據

城郭率兵急進剿經畫皆合謨

畢沅馳回荊州安撫
地方民心鎮靜其時

賊匪已將當陽攻陷佔據城池畢沅隨即帶兵馳赴
該處先將賊人設卡之蘇家河要路派將弁兵勇三
路前進攻克直薄賊下隨又分兵四面圍攻賊人守
城者被官兵鎗礮齊發擊斃甚衆並據荊州知府崔
龍見報稱正在購料製礮工匠田國香稟稱
帝廟旁土中現有礮位隨即創出大小礮六十二位

礮子一萬六千四百餘顆分派各營應用益徵

神靈助佑當陽之賊指顧可擒據奏各處情形賊匪漸就殲除俟各路弁兵到齊烏合之衆不難殲滅旦夕捷音當卽馳到耳

續調兵繼至賊

勢漸趨起維持大軍合殲兇盡掃鋤因念被擾民家

室或空如今年應納賦合與全蠲除

前因湖北賊匪滋擾已將枝江

宜都長樂長陽東湖當陽遠安七縣降旨緩徵節次據畢沅等奏歸州興山南漳穀城宜城光化均州竹山竹谿房縣保康來鳳等州縣並姜辰奏湖南之龍山縣孫士毅奏四川之西陽州均有賊匪搶劫雖指日可以平定而地方經賊匪蹂躪未免流離且各處鄉勇出力剿賊可嘉因加恩將被擾之十四州縣及

前經緩徵之七縣本年應徵錢糧一體蠲免以示優恤而昭激勸並諭地方官實力妥辦俾良民咸霑實惠仍勅地方吏實惠敷鄉閭焉

憶述

楚在春秋稱異域久哉中國爲民田弗徯徯帝已命時格時亂自古然乙卯之變突爾起曲直

鑒惟賴

去歲逆苗石三保等滋事實出意外朕數十年來從未論及苗疆召對大小臣工亦從無改流之事而逆

匪自作不靖曲直之

北兵近南

謂湖北湖南

多赴剿邪教

理

天鑒自昭

趁此興白蓮

白蓮教屢經破案誅遣根株未絕前年湖北竹山曾經嚴辦不意今張正謨等

仍復煽惑乃因湖北官兵多調赴征苗匪衆遂爾乘機竊發

起釁適在宜都縣撫

誅百五軍威宣賊匪遁走據險守繼進縛首獲未全

撫臣惠齡在荊州聞報卽帶滿兵三百名馳往拏獲一百五十餘人正法探得逆匪踞守深冲口鳳凰山帶兵追剿適征苗二督臣福康安和琳聞信派總兵富志那前來協剿又殺賊匪數百逆首聶傑人見官兵圍剿嚴密卽同匪夥五人匍伏乞命稱主謀實張正謨此賊尚未獲

督抵當陽戰屢

虜攻城破賊復守堅

督臣畢沅聞賊據當陽卽馳赴

該處剿殺多賊用大礮轟擊已

將東門城牆打開並爲首逆僧羅整賊忽從北門湧

出我兵回擊相持不及隄防賊人又堵壘缺口拒守

究因兵少待後調

去聲

釜中魚乃命苟延

畢沅所帶兵止八百餘名

而續調之兵未到故

賊匪得以暫延殘喘

賊首主謀未盡獲蜂屯蟻聚各

縣連亟命陝豫發勁旅接境諸臣經理賢蜡玉逃匪

潛伏匿分兵截戮五百焉

張正謨未獲而襄陽鄖陽等處賊復響應因命將軍

恒瑞總兵文圖帶兵三千進剿據秦承恩奏文圖

在蜡玉河殺賊四百餘并逃匪五百餘全行剿滅遠

安等救當陽者襲斬千百奮力前

畢沅恐匪黨來援預爲設伏果有遠

安賊衆來救迎殲

近報將軍已至楚殲斃活捉賊三

千餘賊勢益蹙

恒瑞兵抵竹山連夜攻打殲賊二千餘拏獲一千

千餘擒獲賊目武明山翁明遠傑死侯剿盡房縣保

康之賊卽與畢沅合兵剿寇至來鳳縣與四川連界

亦爲賊踞據孫士毅奏侯川兵一到設法剿捕而惠

齡亦奏賊人糧缺勢不能久候

督撫所待川粵旅亦

廣東兵到卽可直擒首逆戴事

將全至雄駢填佇侯逆首齊就繫餘孽掃淨安間閭

叶

嗟哉楚民頻受害誠予德薄非民愆謫楚之作實

自訟踟躕把筆慙撫箋

鑑遠堂

溪堂臨昆湖因之額鑑遠昨歲亦憩茲視事傳餐飯
兩督摺報來征苗逐賊懸瓜寨賊之邊巢穴期窮創

堂在廣潤祠西偏俯臨昆明湖水昨歲四月廿八
日詣祠祈雨後卽莅茲傳餐視事適湖南征苗兩
督臣福康安和琳報到官兵於三月內攻克蘭草坪
後直抵榔木陀賊匪抵死抗拒福康安和琳料其迤
西一帶防範必疎正可用奇兵搗其巢穴因分兵五
路督率巴圖魯等帶領由登高坡老虎灣茶山凹峒

頭劍坡五路乘夜齊進分撲賊卡冒雨爭先鎗箭所到楚賊不可計數遂將黃瓜山賊寨攻克搶佔大梁是日焚寨五十六處生擒一百餘名匪衆潰竄賊勢大蹙因有誌事之作書懸壁間茲來覽閱不覺時已經歲現在石三保石柳邨壁詩今見之則已經歲宛等尚未就擒爲之切盼

邪教闖兵虛剿除不可晚

今歲二月內湖北白蓮教首張正謨等因見湖北兵

弁俱調赴湖南征苗地方武備空虛乘機勾結謀逆雖經巡撫惠齡帶兵剿捕屢殲匪衆並將爲首之匪傑人向瑤明械送來京治罪而張正謨現尚未獲其將軍恒瑞亦已將竹山竹谿房縣保康之賊剿淨卽日可以自南而北直抵襄陽而提督慶成等所帶直隸山東之兵現已自北而南與鄂軍合剿襄陽樊城

之賊至據守當陽賊衆現經畢沅舒亮等設法攻圍
諒亦不難卽破本係不得已而用兵但逆匪等一日
不剿除則良民一日不能安處此時官兵聲威雄盛
賊勢聚散靡定可以漸次洗蕩淨盡至逆苗石三保
石柳鄧亦僅止支撐苟延旦夕現在軍營所調新兵
二萬計已到齊卽可擒渠蕩蕩事佇盼兩省大捷喜音
同到快慰懸念而楚省南北
民生卽可早享安全之福矣
兵用不得已愧我德失
竄佇捷凱旋征楚民樂安產

玉泉山

龍王廟謝雨之作

幾次霑

恩近實優

前月廿二之雨尚有二寸餘廿四廿六二次

皆不過寸餘自昨初二初五至初八三次總計竟有尺餘可謂霑透前據梁肯堂奏二麥約收可有八分茲當將次成熟之時得此渥膏顆粒益當堅好雖屬下稔然幸叨下稔穫來牟繼春救夏暵誠濟亦不至孤望耳

利物需

天澤合酬敢曰慰乎慰隣逸亦惟已勅已先憂軍營奏

適聯翩報

湖北邪教滋擾楚豫交界並焚搶呂堰驛地方勢頗猖獗今日接慶成景安奏與富

成德齡等分路帶兵搜剿賊匪聞風竄入雙溝聚集
一處現在呂堰驛附近一路肅清恒瑞永保不日前
來會合從此四面夾擊自可一鼓蕩平不留餘孽又
據宜鄉奏鄖陽竹山竹谿保康房縣一帶經恒瑞永
保等痛加剿殺之後已前赴襄陽會剿宜綿現駐紮
鄖陽亦已將各處竄逸餘匪投捕正法現在漢江以
北之賊俱已剿除淨盡地方寧謐民情安帖此時各
路官兵到襄聲威大振賊勢窮蹙想大捷喜音卽日
可到
矣 邪教淨除待捷投

命蠲湖南湖北二省來歲應徵正供錢糧詩以誌
事

乙卯黔楚苗之叛藉口其田民占彼

黔楚二省苗民
戕土食毛久安

耕鑿近年以來內地民人入苗寨貿易者不免有一
二侵種苗民田土之事地方官失於覺察突於上年
乙卯春初有貴州苗人石柳鄧與湖南苗人石三保
等勾結藉口漢民占奪苗民田地倡亂謀爲不軌苗
衆爲其迫脅焚掠鎮筸等三廳地方民人房屋財物
二月初湖廣總督福寧貴州巡撫馮光熊等馳奏不
得不調
兵進剿
湖北邪教覘軍征趁內地虛騷動起二督率

兵征南苗屢建功難數

上聲

俚指特以境險雨雪多近

甫臨深窰穴蟻賊窮竄匿各逃生罪首已獲解來矣

雲貴總督福康安四川總督和琳一聞逆苗滋事各率兵迅速馳赴福康安先將貴州銅仁之賊剿開和琳先將四川秀山之賊洗淨兩軍會合直抵湖南連次克捷殲賊不可勝計如蘭草坪黃瓜寨蘇麻寨茶坨柳旁上下西梁大烏草河高多寨吉吉寨連雲山壁多山長吉山火麻營等處險峻卡寨全行攻破立功難以俛數逆苗自知罪在不赦抵死抗拒兼以該處萬山之中林箐茂密峯坡陡滑不能不設法攻圍致稽時日近日賊勢益蹙已成瓦解首逆石三保逃至烘烘寨爲降苗等擒縛其時防守後路之總兵張廷彥聞信卽馳赴該處將石三保械繫送至軍營驗明派總兵朱射斗道員清安泰押解來熱河訊辦約出月卽可惟剩次渠石柳鄧想成擒捷途中抵石三保既

已就擒吳廷禮亦伏冥誅此時止有石柳鄧一人勢更孤立且係貴州苗人與湖南苗衆種類非一自必益相攜貳大兵架入攻圍不難生致想此時早已就擒解送在途從此直抵乾州平隴苗境悉平惟待喜音馳至楚南之事卽全蕪矣

湖北督撫各攻一

湖北白蓮邪教煽誘愚民本非一日

前歲嚴緝懲治之後餘衆潛蹤近因湖北各營兵弁俱調赴湖南征苗地方未免空虛遂致邪教等乘虛紛紛滋事而湖廣總督畢沅在當陽攻城未克巡撫惠齡在灌灣腦地方圍剿賊首張正謨亦尚未生擒剿滅然當陽賊衆因守孤城彈丸之地破在旦夕而張正謨勢已窮蹙糧食將盡斷不能苟延殘喘自亦難卽殲滅

彈丸恃田延喘詭襄陽邪教羣應之乃伺兵

軍擾田里

維時鄖陽府之竹山竹谿保康等縣亦有邪教滋擾因命西安將軍恒瑞帶駐防滿

兵二千名及署興漢鎮文興帶鎮標兵一千名馳往而永保亦適自新疆回京至西安聞信卽一百奏聞一面馳會恒瑞等將鄖陽各屬之賊剿除殆淨其漏洩餘孽復東與襄陽教匪糾眾焚搶接到豫撫景安之奏隨命鄂輝慶成明亮前往並派直隸山東山西之兵共五千名而永保恒瑞亦帶兵追剿至彼惟各處兵弁未到之先兵力稍單以致賊匪搶劫樊城呂棧驛一帶田里之間不能不遭其擾害

爰命

將臣董正師明張燧伐靖邪鄙襄陽雜種駭咳奔獲

魁指日盼音喜

襄陽樊城爲南北衝要之區軍報馳遞所經關係匪細遂命恒瑞永保一

俟官兵到齊趁此聲威壯盛明張達伐以靖地方節
據馳奏分投攻剿誅獲無數並將呂經驛大路之賊
殲戮已淨餘匪復逃至棗陽一帶窺伺縣城並省北
之孝感縣城外亦有匪黨屯聚幸恒瑞永保等先派
兵五百名守禦棗陽縣城大兵隨後分隊直前雖當
大雨之後將士不以泥濘爲難及離棗陽三十餘里
賊衆迎隊抗拒官兵鎗箭所及立斃賊匪三四百人
餘衆方始潰散近又將蔣家壩賊衆大加殲戮棗陽
縣城之圍已解而孝感地方亦有將弁率兵堅守因
有旨令永保赴彼剿辦旋據恒瑞等奏共推永保爲
統領事權乃可盡一正與朕意相合足徵和衷以公
事爲重覽奏甚爲嘉悅隨即允其所請並令永保暫
署湖廣總督悉心籌辦想爾克在和指日擒
獲首惡並卽掃蕩餘氛率音可以馳至矣

所欣鄉

勇及良民助官誅逆堪嘉美

逆苗等倡亂滋事進剿官兵不下數萬而地方

紳士民人團練鄉勇隨同官兵打仗殺賊者亦復甚夥至湖北邪教匪徒勾結滋擾當所調各省弁兵未經到齊之前亦多有良民等自相團練或擒賊賊匪或保守地方或聞匪衆約期舉事先已出首捕獲此等鄉勇良民深明大義爲公出力實堪嘉予是以節次降旨加恩賞賚官職翎頂及鹽菜口糧有差以示鼓勵

但被燒搶亦已多實深憐卹厘無已歲功近矣合

獎良明歲正供蠲降旨

湖南湖北二省被逆苗邪教等擾累地方業經降旨分別

蠲免復念賊衆焚掠蹂躪之處民人不免失業固堪憐卹卽該二省別府州縣未被賊氛者亦有運送糧

餉軍裝及官兵經過等事雖辦理一切均係動支帑金然究不能不資藉民力朕心深爲軫念當薄施渥澤茲復降旨將該二省來歲應徵正供錢糧著予豁免並令該督撫速卽磨黃俾鄉村僻壤及早聞知用示加惠無已至意庶幾元氣復閭閻教化未臻慚愧已

卽事

乾州淨剿富陽復

上年二月逆苗石三保滋事搶劫乾州嗣經官兵剿克柳芳後餘賊

竄入平隴而平隴與乾州相近但西南兩面無路必得先抵乾州方可進剿六月十四五等日和琳督率大兵連克雲山黃連波晒穀坡賊卡六七十處殲賊六七百人直抵乾州剿洗收復俟布置大局卽前

進平隴擒獲石柳鄧苗疆可以全定矣至湖北當陽賊首楊起元斬馘後餘衆又推陳德本爲首據城抗拒六月底官兵攻破東門入城殺賊五六百人賊退守城心高墻大屋內並據龜背山爲負隅計七月十二日舒亮等帶兵奮勇焚燬房屋四百餘間鎗箭斃賊二千餘斬馘生擒三千餘當陽全城收復自石三保被擒解來正法乾州當陽俱已

平定楚省南北逆匪益形窮蹙

南逆

謂逆苗

北邪

謂邪

教勢已孤平隴灌灣當繼靖

續據和琳奏平隴賊巢夥黨尙多必須先將河

溪一路官兵會合然後迅擣平隴現在督同額勒登保等分兵疎通道路搜捕前進可以指日蕩事又惠齡剿辦灌灣賊邪教節次攻得鄭家坪野猪池諸賊卡殺賊無算六月二十日成德文圖各帶兵埋伏惠

齡督兵直撲賊巢賊匪五六百人衝出盡爲官兵所
戮又破楊樹垌青草窩二卡賊寨所餘無幾張正謨
已萬分窮迫不梓山旗鼓逮全俘

先是湖北鄖陽保康等縣邪教稱發

難一鼓殲擒矣

經恒瑞永保等帶兵剿洗其零星東竄之賊闖入襄陽呂堰驛一帶該處匪黨應之於是勅永保爲總統命慶成富成德齡帶直隸山東山西勁兵前往將呂堰驛丁兒山襄陽之賊全行剿滅而隨州之梓山又有賊屯聚永保等分兵三路截殺甚多並將梓山西南青潭賊衆剿盡卽乘勝追至龍門山賊匪已竄往紅土山藏匿永保等繞道截其竄路再行合兵剿擊卽可全行廓清並聞邪教首劉之協姚之富已逃往鍾祥賊營明亮剿盡孝感逆賊後已帶兵就近前往鍾祥諒必大勝卽日永保等追剿到彼想劉之協等

斷不能漏網矣至來鳳之旗鼓寨屯聚賊匪不下萬人前經孫士毅福寧兩面夾攻痛殺賊匪焚燒屯殺營棚甚多嗣福寧偵知首逆胡正中逸出擒獲磔死餘賊遂分列三營以爲犄角七月初五日福寧觀成帶兵夾攻將大木城全行燒燬殺賊萬計尚餘賊首田谷敦另紮小寨苟延殘喘更不難計日全俘矣

去年今歲時久矣燬屋奪糧民困乎三免正供期渥

卹 湖南湖北被逆苗邪教蹂躪之處深可憐憫早經降旨將本年錢糧分別蠲免並念未被賊氛地方亦有運糧過兵之事復將明歲應徵正供一體全蠲但今年正當恩詔輪免之期又諭部臣以次遞推至後年蠲免總期民食有資不致一夫失所以示優卹 楚方遙望尙慙吾

署四川總督福寧四川將軍觀成奏攻克旗鼓寨

全行蕩平詩以誌慰

老臣旗鼓攻邪教功速垂成沒可憐署督將軍勤繼

勸川兵屯土力同宣

上年貴州苗匪滋事之始闖入四川邊境秀山地方署四川總

督大學士孫士毅聞信卽帶兵前往剿辦自和琳與福康安會兵由黔入楚後孫士毅卽駐劄平塊防守後路今夏聞湖北來鳳縣一帶有邪教滋擾孫士毅就近督兵將小劫茶園溪之賊剿破餘賊竄據旗鼓寨死守續經增調四川屯練土兵協剿功屆垂成不意孫士毅年老積勞成疾竟至不起深可憐憫其時

福寧在紅岩堡駐劄並未將孫士毅所帶川兵自行統領辦理因馳諭訓飭卽命署理四川督篆並敕將軍觀成在平塊速行馳赴軍前與福寧爲夾攻旗鼓寨之計嗣據福寧觀成奏帶領屯土川兵分路會剿將旗鼓寨賊人大木城全行燒燬痛殲賊匪萬計擒獲首逆胡正中等止餘賊首田谷敦等逃竄另紮小木城於高礪之上萬餘賊匪猶抗禦十者雄強竟破以圖苟延殘喘

堅茲據福寧觀成馳奏七月十一等日率同諸神保慶壽等帶屯土官兵鄉勇四面攻打賊匪尚有萬餘自知必死捨命抵禦十六日催兵進擊自寅至未奮勇剿殺富有把總孫應奉兵丁宋吉如等十人鼓勇先登拋擲火彈乘勢砍開木城躍入福寧觀成督催兵勇一擁而進殺賊無算維時火燄四騰房屋茅

棚同時並燬立將小木城內子城二道砍
開頃刻間將三重賊巢全行焚燬淨盡
獲首剿羣

西路淨

官兵既將賊匪小木城攻破紛紛竄出諸神
保帶領弁兵將首逆田谷敦及胡正中之師

唐貴並賊目謝伯榮等八人最爲兇惡之犯全行擒
獲又生擒餘賊二千餘人其斃於鎗箭刀矛及焚燒
者積屍遍地互相枕藉所有旗鼓寨全行蕩洗於是
湖北西境來鳳一帶賊氛淨掃無餘矣因降旨嘉賚
福寧觀成並加錫官保銜其奮勇出力弁兵分別優擢資錫以示鼓勵
靖鍾祥掃大功

全湖北各處邪教賊匪節次已將鄭陽襄陽孝感當
陽來鳳之賊剿洗廓清現在永保恒瑞等統率大
兵前赴鍾祥與明亮舒亮等四面會剿自可全數殄
滅將首逆劉之協姚之富等擒獲正法其確灣腦之

張正謨止餘數處卡隘亦萬分窮迫不難指日蕩平而福寧觀成等之兵現已移剿柳坪賊匪林之華諒亦即可擒剿淨盡此時大功已成十之八九佇接和琳攻克平隴生擒石柳部喜音則楚省南北全行平定仰蒙 昊貺予十全武功之外又贏一勩矣

河南巡撫景安奏報秋禾約收八分有餘詩以誌

慰

京畿齊郡胥中稔

前據直隸總督梁肯堂山東巡撫玉德各報秋禾收成俱九分有餘

可稱中稔

正待豫疆收疏呈茲喜報來秋熟約亦稱通屬

八分贏

景安奏豫省春夏以來甘霖叠沛大河南北
普被優霑早晚秋禾一律暢茂成熟通省一
百八廳州縣內約收十分者南陽等十三州縣九分
者通許等七縣八分有餘者祥符等二十六州縣入
分者尉氏等四十二廳州縣七分有餘者商邱等十
九縣又永城縣因洪溝河漫溢除被水村莊數處外
亦尚約收七分有餘通省合計
約收入分有餘覽奏爲之欣慰

河南河北兩陽若民

食民衣老幼享極力驅除邪賊淨

五月內湖北邪教
滋擾楚豫交界焚

掠呂曜驛地方景安聞信卽帶兵馳往剿捕並於南
陽新野一帶嚴密設卡防範堵截賊匪雖屯聚抗拒
而未能蔓延後命慶成富成德齡等帶領直隸山東
山西三省官兵分路進剿賊匪逃竄嗣永保恒瑞等

帶兵會合夾擊遂將河南境內雙溝水台倉台丫兒
山諸處之賊全行洗除盡淨其零星邪教匪徒謀欲
起應者亦多景安搜捕正法無遺民情安堵地方寧
謐今年河南麥收八分有餘民食本屬充裕茲秋禾
又得中豐閭閻自
必益形樂利矣
幸同黎赤慶安平

和琳奏攻克移坡新寨等處擒獲逆苗目石代噶
福寧奏攻克指甲坡山梁擒獲邪教賊目楊子
敖弟兄詩以誌事

正慮仍當望捷迴暑欣二處捷音來雖然未獲逆之

首却已生擒助者魁

自五月下旬駐蹕山莊以來已逾三月每日籌辦楚省南北軍

務雖湖南已將逆苗首石三保生擒解來正法而大兵尚未直抵平隴擒獲逆首石柳鄧其湖北鄖陽當陽襄陽孝感來鳳諸處雖已平定而鍾祥及榔坪灌灣臘尚未收復明早即當旋蹕正在殷盼喜音適和琳福寧捷信同時報到據和琳奏自攻克捧風坳強虎哨兩處後已得平隴緊要門戶據降苗等僉稱石柳鄧被官兵圍攻日緊令賊目石代噶糾聚匪黨於後路滋擾為牽掣大兵之計石代噶者與石柳鄧首先起事肆擾川黔交界地方自官兵剿洗大塘汛後該犯即同石柳鄧逃至黃瓜寨到處抗拒實為第一罪犯茲於八月十二三等日總兵袁國璜報稱密派熟悉苗地之鄉勇及降苗等設法圍截該鎮帶兵於

老旺寨將石代噶擒獲和琳訊供後卽將該犯貯於木籠派員押歷各寨樹割梟示石代噶既擒不特川黔後路去一巨魁卽石柳鄧手下又除一助惡逆黨此時相距平隴益近石柳鄧抵死守禦現在設法擒捕想日內不爲官兵生俘卽爲降苗縛獻苗疆之事卽可指顧全定 旗鼓渠搜弟兄兩

甲坡勇賴弁兵材

同日據福寧觀成奏來鳳旗鼓寨賊首胡正中田谷敦等均經擒獲

王法尙有楊子敖楊子林弟兄亦係邪教緊要賊目屯聚指甲坡山梁隨派總兵諸神保帶兵圍住福寧觀成於八月十一日督率將弁及屯士兵勇分爲四路奮勇剿殺賊目楊子敖楊子林正欲覓路竄逸把總虎正林兵丁謝福榮彭光鰲奮力追趕將楊子敖二犯砍傷擒獲及餘匪五百餘名奪獲鎗刀數百件

該處賊匪洗盡卽由宣恩剿散屯聚餘匪督兵前赴
榔坪剿辦林之華等披覽兩次所奏亦堪欣慰而現
在湖南平隴咫尺苗匪斷不能他竄大
約旋蹕途中馳報喜音卽可迎到矣
佇聞平隴縛

兇慙蹕路當披喜疏開

惠齡等奏攻克灌灣腦賊巢生擒逆首張正謨等

詩以誌事

蹕路方殷飛騎至行宮駐卽捷音來

今早自山莊旋蹕途中引領喜

報迎馳方殷盼望乃甫駐行宮卽遞到惠齡等

正謨

克灌灣腦生擒首逆張正謨捷奏殊堪愜念

實是倡亂者閻歲竟能執訊哉

今春二月間有湖北那教番傑人等因該

省弁兵大半調赴湖南進剿苗匪營汛空虛乘機在枝江宜都一帶倡亂焚掠惠齡聞信卽帶兵往剿擒獲一百五十餘人餘賊竄入灌灣腦山內負隅抗拒屢經惠齡督兵殺賊無數聶傑人情急自投納命訊出伊子會拜張宗文爲師學習白蓮邪教張宗文之師張正謨實先倡首謀逆脅人入夥聶傑人已解京正法而張正謨恃其地險抵死抗守半年以來官兵設法攻圍計誘痛加剿殺將賊卡全行攻破萬分窮蹙八月十七日惠齡選派超健兵勇五百人各持草束拋擲火彈引透賊人所埋地雷聲振山谷延燒賊卡鹿角惠齡與成德文圖富志那各率將弁兵勇分四路齊進攻克外層賊牆賊匪不能抵禦退入二道

牆內官兵卽將賊屍填平溝濠前進賊匪紛紛潰散
內有賊百餘跪地哀號乞命惠齡令素識張正謨之
孟宇寧指認張正謨並助逆之劉洪鐸一併擒獲解
京被殺及投水者不下萬計生擒二千餘人奪獲鎗
礮刀矛甚多自十七日丑刻至十八日酉刻奮勇攻
剿全行蕩平不致一名漏網先令成德文圖帶兵二
千名前赴榔坪剿捕林之華而惠齡將順路涼山屯
聚之賊剿盡亦卽督辦此時官兵聲威大盛各處陸
續洗蕩止存鍾祥榔坪之賊茲首先倡亂之賊已俘
其脅從匪徒定卽渙散餘一二賊目不難指日全行
剿滅

矣

四面合圍昌險阻一心齊奮迅雷所餘孽指

口掃盡湖北民生喜氣恢

青龍橋西

待捷園中復六朝香山思遣悶非遠週遮進已三軍

近險阻恃猶二豎驕

和琳統率大軍進逼平隴所有附近賊卡俱已攻克相距賊巢

不過十餘里因秋雨連綿山路險滑不能迅速直入
尙餘逆首石柳鄧吳廷義二人脅衆死守想目下久
已購齊定將二逆
生獲馳捷在途矣
南逆苗擒兇首要北邪教窮黨羣

消
昨據永保等奏剿捕鍾祥邪教賊匪殲戮殆盡現
在乘勝四面搜拏無難悉數殄滅惟望將首惡劉
之協姚之富等盡行擒獲而福寧惠齡將宣恩涼山
之賊剿盡迅赴榔坪生俘逆首林之華則湖北境內

全臻平

靜宜壁勸詩重閱隔歲依然未解嘲

上年重九駐香

靖耳

山靜宜園時正值奏到攻克茶它柳分等處逆苗巢穴生擒賊首吳半生可望大功卽成有詩誌事泐壁今已閱一年雖已將逆首石三保擒來正法苗疆指日全定而歲積喜音尚未馳到盼望倍增殷切

卽事

三輔祥雲各報周

京師於廿三日喜得應節祥雲續據總督梁肯堂署提督愛星阿鹽

政董椿等先後奏報直隸順天各府屬及古北口內外一帶均於二十二三等日得雪二三四寸不等

南來次第復傳郵齊郊被澤似應廣

據山東巡撫伊江阿奏濟南省

城於十八日酉時起至十九日子時瑞雪續粉積地
二寸其附近之齊河等十八縣同時亦得雪一二三
寸不等二麥得以盤根來

豫省獲膏更覺優

據河南

歲豐收可爲預卜等語

巡撫景

安奏豫省今歲種麥甚廣俱已發生茲邊界一帶於
二十日至二十二日時雨時雪融化入土五寸有餘
並據南陽府屬各縣稟報於十九日至二十一日得
雪三四五寸不等俟飛查各府得雪日期另行彙奏
等語

農吉頻占誠合慰軍情乍繾却增愁滋邱小賊渡

河遁

日前節次據福寧觀成及成德文圖各奏稱攻

剿滋邱賊匪林之華覃家耀等賊勢已甚窮蹙
可以卽日成擒乃今日福寧觀成奏到官兵進抵滋
邱而賊匪先於十三日五鼓搭造木橋盡數渡河逃

竄俱至黃柏山等處屯聚署總兵黃瑞在張家口沿河一帶防守乃不知設法堵截使賊人得以搭橋偷渡又不速行稟報實屬玩誤因降旨將黃瑞革職鞫解來京治罪至成德文圖前次所奏殺賊摺內藉詞欺飾欲以掩其縱賊之罪而文圖竟於賊遁數日之後起身不顧前赴滇省新任尤爲畏葸可惡成德文圖本應與黃瑞一體治罪因念用人之際暫從寬典將二人花翎及巴圖魯名號革去嚴飭圖功贖罪所有進剿黃柏山軍務專令福寧觀成總統辦理而令成德文圖分往賊營西南之鶴峯州東南之長樂縣交界嚴密防堵務將賊首生擒速報成功尙可少贖前咎朕於用兵凡諸臣功過賞罰嚴明從來不少假借惟視其人之自取是以武功十全所向得以克捷耳

失律難逃自取尤

署工部尙書惠齡奏官兵掃蕩涼山賊匪淨盡詩

以誌慰六韻

據險賊分守一將

平聲

當萬夫

惠齡於八月十八日攻克霍灣腦賊巢生擒首

逆張正謨等後卽帶兵往剿擲坪賊匪林之華等因
順路之涼山有林之華分遣救應張正謨之賊黨在
彼屯聚卽督兵先行剿辦雖賊匪不多而該處山路
陡峻一線羊腸盤折而上其二天門一處尤爲險隘
賊人又將山路創斷安設木石抵死抗拒實有一人
當關萬夫莫敵之勢雖屢經官兵擊殺多賊斷其木
道而賊衆恃險支撐官兵因艱於
仰攻是以相持日久未卽掃蕩
乘繩拊降者攀壁

上雄徒

茲據惠齡奏自奪獲馬王廟賊卡後連日

聲霧雨迷漫因分官兵鄉勇爲二班日夜輪替兩面進攻使賊左右支持疲於奔命至十月廿五日於山內搜獲張添富等五人訊明被賊迫脅從逆今見官兵勇銳可畏悔罪投降並供出二天門卡上陡岩之下有松林一處可以伏兵但陡壁懸崖不能攀援而上惠齡察其投降屬實因與大繩數十條令其上山潛於樹上結繩垂下山腰並乘機放火以爲內應至夜半果見繩索拖下預派千總鍾慶官把總程上德率領健捷兵勇攀繩而上伏於林內俟官兵攻撲二天門時從上殺來俾賊猝不及防可期得手

攻左仍襲右身先勵志謨

二兒獲生有羣黨剿全無

惠齡又派令副將關騰臬司先福各帶弁兵一由九

羅亞進攻一由馬王廟進攻又派都司林朝輔等由山後覓路進攻截其逃竄惠齡自督將弁兵勇接應至丑刻銜枚而上賊匪疲憊已極官兵直至卡前賊始知覺官兵鎗箭並施賊人拚死抵拒相持之際鍾慶官程上德已率林內伏兵從上殺來又經內應之降匪張添富等從中放火賊衆大亂官兵乘勢跳壕毀卡而進殺賊百餘人餘賊奔潰上山當將二天門賊卡奪獲而賊衆死守廟內不出惠齡督率弁兵環附而上至山頂廟前堆積柴草四面焚燒又射放火鎗入廟內外同時燄起賊衆冒火開門向後逃竄經官兵追殺及滾巖落澗者不計其數其直衝下山者俱爲官兵截住生擒首逆覃士潮張曰先二名及男婦七十餘名口餘皆殺死不致一名漏網覃士潮張曰先二人已受重傷不能言語立即寸磔處死餘匪

亦一併梟示所有涼山賊巢全行掃蕩無遺矣此次
惠齡及將士等實屬出力可嘉既優加賞資並分別
擢用其投出內應之張添富等五
人亦加恩給與頂戴以示獎勵焉
進合邱 滋山黃柏邱山

旅 先是林之華覃加耀二賊倡逆佔據榔坪地方其
後移至滋邱屯聚二賊各守一處遙相接應前經
福寧觀成帶兵已將覃加耀賊衆痛加剿殺竄奔滋
邱與林之華合爲一處乃成德文圖及署鎮黃瑞不
能先事防堵周密以致賊匪又從滋邱偷渡河逃至
黃柏山死守前已將成德等分別懲治而今福寧觀
成總統剿辦並嚴飭成德文圖
旋申華 林之華 耀 覃加
分截賊人竄逸後路以順前過
誅 此時惠齡已將涼山之賊剿盡卽口移師至黃柏
山與福寧觀成等會合乘得勝之勢兩面夾攻諒

林之華覃加耀二賊首力蹙勢窮斷難逃命自必一同俘獲掃除餘孽以靖地方馳奏喜音卽在指顧間矣

佳哉誠跨竈

惠齡乃原任尙書那延泰之子那延泰自雍正時至乾隆年間久直軍機

然不過小心謹慎循分供職而已今惠齡帶兵剿賊頗知調度機宜具有謀勇前已將灌灣腦賊巢剿平生擒首逆張正謨等正法今又將涼山之賊洗蕩無遺實可嘉賞以視伊父誠不愧跨竈之譽耳

五

宇譽應吾

欽定剿平三省邪匪方畧卷首

天章

高宗純皇帝聖製詩

二

節後萬壽山紀事一律

以下丁巳

節中無暇問崇椒節後偷閒闕景韶丙歲幸蒙雨露

丙條風誠是不鳴條

易緯立春條風至

川東邪黨獲二首

今日

宜綿奏到四川太平縣邪教逆匪於通天觀高家寨
南津關三處犄角抗拒宜綿於初六日分飭將弁率

兵攻剿先克通天觀旋破高家寨南津關殺賊幾及
三千生擒三百五十餘人內有龍通智謝克福二人
訊係賊首皆於取供後凌遲梟示巢穴掃淨大路已
通我兵即可前往東鄉與觀成英善等兩面夾擊賊
匪卽日可
以蕆功
湖北逆殲到一朝
已將賊匪痛加剿洗賊
分三起潰散十三日分派官兵恒瑞等由西路迎
擊慶成等由北路迎擊舒亮等由東路迎擊惠齡等
策應西北一路景安等策應東北一路俱各奮勇剿
殺賊勢實不能支連日總計殲戮賊匪實有四千餘
人生擒者七百餘人其自相踐踏滾山落溝者不可
勝計餘賊僅存數千潰逃現在分兵追捕設法擒獲
首逆等語兩處捷音
却見昨年題壁句盼同捷信復
同日馳到殊堪慰念

心焦

昨年正月下旬正當剿辦湖南苗匪其時石三保石柳鄧二逆未獲是以節後萬壽山樂壽堂

詩有生擒二寇信猶待之句今苗境全平首逆無一漏網功成完善惟湖北邪教首逆劉之協姚之富二犯生擒之信尚未馳到今日來此閱壁間題句與昨年盼捷情景仍復相同不免尚爲縈縈

御苑泛舟作

五朝水盡開

仲春已閱五日御園河水盡泮舟楫可通葢春融水釋氣候自然而向來內監

操舟者每強行開鑿以通舟路意在獻勤寔可厭惡屢有詩飭之

御苑泛舟纔景物

又殊視時光寔迅催底猶舒志未仍望捷音來每報

賊窮蹙

自前月廿四日以後節次據惠齡報到大兵痛剿賊匪先後斬戮九千餘人餘賊四散奔

逃今據奏惠齡恒瑞慶成舒亮等分兵四面兜擒擊殺賊匪四五百人時有手執大旗賊目往來號召極為兇悍先經碩雲保射其左膀恒瑞射其右脇該犯拔箭馳驟如舊又經慶成射中其腰始行落馬被獲卽令先獲之賊識認均稱寔係緊要賊目劉起榮無疑因訊供解京辦理現在乘勝跟蹤追捕黨惡既擒賊勢益加窮蹙惟存首逆姚之富賊目張富國二人狼狽奔竄自必無處可逃佇盼生擒兇渠寔信報來則湖北邪教擒兇何磔哉

根株盡拔矣

擒兇何磔哉

卽事口號

襄陽邢教賊匪經大兵圍剿有賊目劉起榮者
馳馬執旗指揮抗拒勢甚兇悍我帶兵大臣共
圍之將軍恒瑞副都統碩雲保連射其脇膀賊
拔箭猶復往來馳驟繼爲慶成射中賊腰乃落
馬生擒之慶成者漢軍旗人伊高祖孫思克康
熙年間屢著勲績其子承運尙九公主生五福
爲都統御前侍衛卽慶成之祖慶成爲公主曾

孫現亦御前侍衛直隸提督世臣如此奮勇可
嘉口占紀之

拔箭揮旗猖賊兵中去聲腰落馬乃擒生射腹中者問

誰是公主曾孫名慶成

河南巡撫景安奏剿除浙川內鄉二縣教匪首夥

盡淨詩以誌事

邇來佳信每頻來信報景安佳倍哉督率官軍兼義

勇全平教黨及兇魁

河南浙川內鄉一帶山徑叢雜路通楚陝景安留心先已派令

將弁帶兵在李官橋等處扼要防範嗣知賊衆有欲竄赴陝西之意卽令道府等前往慎密查訪盤獲形迹可疑之丁自有等訊得浙川教匪糾約竊發情佈景安聞第因湖北賊匪已向東南潰逃離豫境甚遠卽將東北一帶邊境交總兵王文雄帶兵堵截景安帶兵八百名由內鄉馳赴浙川訊出教匪等輾轉傳徒私製刀鎗旗幟號衣等物屬寔恐匪衆聞風漏網必須乘其未發先行撲滅爲安卽督率文武員弁帶兵馳赴南北鎮東西黃大溝泉等處村莊出其不意分投擒剿逆匪等竟敢持械抗拒經官兵鄉勇立時殲斃一千餘人生擒教首王佐臣楊賈氏併賊目楊志才等及一百五十餘犯當卽交遲梟示全行平定

豫邪楚逆勾連密事隱亂前盡與摧

浙川地方教匪於正月初旬即

與湖北賊匪暗相通信糾約勾連欲俟姚之富等竄至浙川卽一齊豎旗接應旋聞官兵將賊殺敗逃竄東南該犯等未及起事又欲俟李官橋官兵撤回之後另圖乘機竊發乃於逆迹未發之先早已敗露卽行駢誅淨盡俾良善輯寧民心鎮定景安辦理此事寔爲妥善可嘉不動色聲千寇剿

功羸力戰賚恩該

景安於上年十一月初一日帶兵四百名在鄧州南界楚省之魏家

集截殺楚匪之北竄者楚匪探知景安兵少賊兵分爲二路共有六七千人圍營攻撲景安飭令將弁密備鎗礮俟賊兵撲入一齊施放擊斃數十人賊衆驚懼不敢近逼又見營中安靜如常疑有掩襲之計日

晚盡行退去此由

吳蒼默佑賊兵疑畏自退豫

省不致蹂躪亦因景安鎮靜堅守相持至一晝夜不動聲色得以無事寔爲可嘉此次剿滅豫境教匪又能乘其未發之前密爲查察卽發兵掩捕逆首夥黨無一漏網者亦以不動聲色而相機行事攻其不備成此大功是景安之保障封疆較之盡力行間尤爲難得不可不加之懋賞以褒偉績因恩賜景安雙眼花翎晉封伯爵并加優資其在事員弁亦均交部優敘兵丁加賞一月
錢糧以示鼓勵

田盤迴蹕至御園疊啟蹕詩韻

本擬遊盤一散

上聲下同

問問猶未散日增深雨見湖北

仍待捷

前此惠齡等奏賊匪分路竄逃派撥官兵於長岡店板橋岡黑虎嶺等處截剿賊黨殲洗

殆盡惟首逆姚之富劉之協尚在

大勝川東畧悅祿

竄匿然生擒喜音未至猶爲繫念今日甫至御圍宜綿明亮等奏攻奪大團包冉家壩口姚家壩緊要賊卡三處將守卡賊匪痛加殲戮並連日剿捕賊匪奪占賊之門戶我軍聲威益振賊勢日就窮蹙盼捷之心爲之稍慰奪卡占船

阻賊路

達州賊匪分據金栽寺清溪場二處金栽寺背倚馬伏山而冉家壩口爲其門戶有高峯

名大團包適臨其旁賊屯聚二千餘人於冉家壩口大團包二卡併力堅守清溪場恃河爲固賊取所掠船排列河之東岸立柵施放鎗礮又於金栽寺清溪場之間地名姚家壩安設大卡聯絡聲勢宜綿等令

總兵索賈英阿帶領官兵進攻大圓包誘賊出卡撲
營飭參將瑪靈阿等潛由大圓包山後繞上高峯奪
占賊寨其撲營之賊被我兵鎗礮擊退瑪靈阿等之
兵又從大圓包而下賊驚愕奔逃截剿殆盡賊首徐
添德等見我兵已得大卡率賊四千餘前來欲圖奪
卡該鎮鼓勵將士奮勇迎擊殺賊七百餘人復經總
兵朱射斗艾如文等督率官兵痛加剿戮而提督柯
崧等進攻清溪場之姚家壩卡密帶弁兵從上流用
木筏渡河令善泅人沒水赴東岸解纜占賊船賊不
及防我兵已斫開木柵而入昏夜陰雨不知官兵虛
寔賊悉棄卡而逃我兵得船渡河者接踵卽占據姚
家壩卡紮營於是金嶺寺清溪場兩處賊營要害之
地皆爲官兵奪取諒相機衝險督兵尋
明亮等續行
擒渠提奏當可卽至帶來之兵此

時諒已到齊而宜綿自泥河口將軍山通天觀東鄉等處佈置得宜一路游刃有餘諒此么腐指日就擒卽令其速赴襄陽協剿待晴免渾分途進一舉期聞首逆擒

宜綿

等盡奪要害賊卡賊困守金甌寺清溪場聲息不通原可卽行剿滅因陰雨連綿賊巢據高臨險路滑難以仰攻尙稽顯戮與前日惠齡奏剿捕襄陽竄匪因連日雨雪泥深人馬難以馳驟俟稍晴卽可探知賊蹤星往掩捕而額勒登保抵黃栢山亦因霧雨未得進兵相同佇待吳蒼眷佑三處速得快晴及早歲事諒姚之富劉之協林之華覃加耀徐添德等竄匿餘生俱可一舉殲擒不能再延殘喘矣成功將近企望更殷

巡撫汪新總兵馬瑀奏報剿捕夾河洲賊匪淨盡

並領侍衛內大臣額勒登保總督福寧奏報攻

克蜈蚣山進逼四方臺詩以誌事

湖北邪教首起事原襄陽屢征屢得勝多難數

上聲厥

詳自湖北教匪滋事湖北巡撫惠齡聞變卽率兵往
剿於灌灣腦等處征滅賊衆生擒首逆張正謨
係人向瑤明及助逆之劉洪鐸等又攻克通賊之涼
山擒首逆覃士潮張日先復於石門剿賊擒賊目陳
谷保等總督畢沅攻克當陽擒賊首楊起元明亮等
剿滅孝感縣之胡家砦擒賊目劉世珍等提督慶成

在襄陽生擒賊目劉起榮皆有
詩紀之其餘捷奏不可勝計

賊分三路竄三路追

剿獲

賊匪經惠齡等痛殲餘賊分作三路逃竄我軍
亦分三路兜擒惠齡恒瑞等爲一路慶成巴克

坦布訥音爲一路河南巡撫景安及興肇王文雄
等爲一路於襄陽南陽一帶地方率兵追逐剿捕茲

討逃迴者功則馬

瑀

興汪

新

伏匿夾河洲兵器潛埋

藏志欲勾合賊鎮

馬

道

胡齊

密報忙發兵速搜捕乘

其未備強

雙溝相近之夾河洲本係姚之富等嘯聚
起事之地巡撫汪新慮襄陽賊衆竄回伏

匿勾煽生事因飭鎮道等留心偵察三月二十日襄
陽道胡齊甯知賊人有欲竄掠蠢動情形卽密稟汪

初一面會同總兵馬瑀率兵前赴雙溝訪知有賊目王集義吳國萃黃世昌郝以謙鄭宗朝散李氏等勾結匪徒復思鼓煽爲逆卽密派鄉勇眼目前往掩執散李氏到營訊知各犯住址卽選派文武員弁分投密捕委員朱謨高璐等獲賊目王集義吳國萃鄭宗朝等并搜獲旗鎗刀鎗等器械出賊不備皆束手就擒

逆賊竟拒捕箭中賊目狂

委員等獲得賊首行經李家橋突有賊匪二百

餘人截路搶奪適馬瑀馳射賊目郝以謙落馬我兵卽奮前迎擊賊皆西遁有委員虞友度等督率鄉勇迎截生擒賊目黃世昌於時各村賊匪不突狼奔官兵追逐俱卽殲斃

全洲剿洗淨稱

慶村民相

全洲村落甚多尙有教匪未入賊營者此欠前來助惡剿刈殆盡其生擒梟示者有

一百三十餘人各村安分良民無不齊聲稱快

黃栢別一路二賊固守疆

賊首

林之華覃加耀向據滋邱作亂被福寧觀成成德等會兵合剿攻克天門坡小峯亞迎龍山等處賊衆渡清江河竄入黃栢山重岡疊嶺路徑叢歧賊恃阻深負隅以自固福寧圍五月未能

生擒狼

福寧等自上年十一月圍攻黃栢山已閱五月之久自彭家坳以至夜游山雖屢經奏克

賊卡而尚未能直搗巢穴

平苗勇將歸命往用其長

子因苗疆全定額勒登保

勇畧可恃卽命其前往黃

躬親歷諸險周視悉端詳

柏山與福寧共籌剿賊

額勒登保初抵黃栢山適值霧雨漫山難辨徑路三月初十日雨勢稍止卽親往察看情形至諸神保畧

兵之地有山層折而上山坳房屋甚多高之士人名
蜈蚣山山左一椀水均係賊卡一椀水之旁爲鷺公
嶺與小薄道嶺相對過嶺則爲四方臺乃黃柏山入
山正道蜈蚣山山勢雖高而不甚陡險攻之可期必
得遂定計進
圖克蜈蚣山進逼臺四方
額勒登保會
同福寧令諸

神保於十五日進攻蜈蚣山派巴圖
魯侍衛薩克坦布等偕率兵前進

蜈蚣爲次險攻

用偏師長椀水則最要直進以已當手箭足如翼率

衆登山梁

額勒登保帶同綸布春等率兵出夜游山
之間繞至大歇坪直上一椀水山梁約將

軍成德等於一椀水之背覓路上山夾擊並爲蜈蚣
山聲援時當五更濃霧之中額勒登保統兵抄至賊

卡地擲火彈板屋延燒火焰四起賊匪驚竄我兵鎗箭齊發殪死無算

分路各爭進鼓

憤氣愈揚繞出賊之後夾擊如驅羊

成德等一路攻擊焚燒亦至一

碗水山頂乘勢直壓鷺公嶺其時諸神保等已到蜈蚣山額勒登保成德兩路兵隨卽會合搶上山巔賊設三卡始猶抵死固守滾下木石官兵衝入連克二卡其第三卡山勢較高於午後尙復相持未下官兵無不人人奮勇怒氣益張不避鎗箭溝坎一鼓擁進將賊痛加殲戮不能逃出一人於是前後山梁聲勢聯絡成德卽於一碗水紮營諸神保在蜈蚣山紮營額勒登保於鷺公嶺帶兵駐劄是日從五鼓進兵踰越岡嶺攀援峭壁擊殺賊衆橫屍徧山搶獲刀矛鳥鎗甚多生擒賊匪中有賊首覃加擺派令守卡之族

弟單家盛一
名立即臬示

遂克薄道嶺近跳賊卡牆

此次大兵果
入賊人失其

險阻鷺公嶺之前卽爲小薄道嶺直接四方臺望見
山中道路處處可通賊橫築卡牆十餘里於四方臺
之外以爲蔽護牆內外俱挖深濠牆用石砌裹以樹
枝荆棘歷歷在目現在官兵力圖進攻而總兵張廷
彥等率苗疆所撤得勝之兵共三千五百名復冒雨
到齊軍威益振此牆不日攻破則賊匪均在掌握之
矣中獲兇將不日立俟飛捷章凡此二功成總緣賴

昊蒼佇待擒五兇

襄陽賊首爲姚之富劉之協黃柏山
賊首爲林之華覃加耀及達州賊首

徐添德俱屬窮窶苟延今襄陽經惠齡慶成景安等
三路圍剿黃柏山爲額勒登保等攻破要隘各逆首

俱卽就擒前日宜綿等亦奏剿殺賊匪將首逆困逼
金義寺又同監獄穴蠟印賴
吳蒼鴻佑卽日五
兇械送京師誅正法以快
人心成功伊邇尤深企望
吾心庶寧康

永佑寺瞻禮疊去歲詩韻

去歲平苗捷未仍

上年瞻禮有詩云一隅苗地捷期
恐益其時官兵逼近平隴賊巢正

當盼望擒
渠之候
功成臘月

吳恩承

上年臘月明亮額勒登保奏攻克石陞苗寨陣
斬石柳鄧大功告成益因
天隔朕衷弗幾

撤兵之奏再四明白宣諭令二人堅
持定志迅速進剿乃得完善戴功耳
惟餘邪教三軍

剿尙自竄奔五賊競

邪教賊匪乘間滋擾賊首則姚之富三廷詔李全林之華徐添

德等五人經官兵屢次攻剿姚之富與李全王廷詔分作三股自湖北遁入豫境復由豫入陝茲又渡漢江而南達州賊首徐添德業經宜綿等圍逼巢穴無路可逃若楚匪竄入川境合達州之賊則聚而圍剿可以一舉盡獲因命宜綿統領諸軍迅卽擒渠藏績至林之華覃加耀竄入芭葉山經額勒登保等痛殲勢已窮蹙指日捷音可至仰賴

昊蒼鴻佑羣吏奏功寔深企望

右翦左除羣吏勵

向來軍旅之中文職但主解運糧餉等事此次剿賊竟有知府同知知縣丞倅等員身親行陣著有戰績可見翦惡除暴之心人人自勵亦衆志成城之一驗寔可嘉也

一新十舊衆勤憑

御

極以來兩平準疆一定回部再克大小金川靖臺灣
降緬甸安南兩受廓爾喀歸降大武十全舊曾作記
此番若得功成則又新贏一績豈因歸政後卽稍辭
籌筆之勞耶然皆不得已而用兵非敢佳兵黷武此
亦天下臣民所
當共諒者耳
敢因歸政弗籌政祇愧人將黷武稱

戒得堂疊去歲詩韻

昨歲茲望提丙辰去如徙幸而臘平苗

上年十二月
內明亮額勒

登保等擒獲石柳鄧

剿邪尙勤已官軍縱屢勝

楚北
教匪

苗境全平大功告蕓

經官兵屢次剿洗生擒首逆聶傑人張正諛劉起榮
等數十人前後殲賊不下數萬惟首逆姚之富等尙

在遁
逃

奔竄奈猶爾追兵每落後

賊匪屢敗之餘竄入豫省邊界旋自豫入

陝由商雒洵陽漢陰偷渡漢江南逸各路官兵追捕未能設法堵截每至落後

聽其殃赤子

賊首一日未擒則到處勾結滋擾

賞罰可不明用示

焚掠未免民受其累每用憤懣

懲創理

惠齡恒瑞慶成柯藩等率兵進剿聽其遠竄不可不加之懲創因將惠齡前賞官銜世職

雙眼花翎及恒瑞柯藩等花翎俱革去慶成降二品

頂戴暫令戴罪圖功以觀後效卽令宜綿統領諸軍

用專

五兇待生擒一心庶寧矣

賊匪等經官兵追躡竄往西鄉其達州賊

責成

首徐添德等已爲宜綿等四面圍攻若此時業已擒

剿則率領勝兵迎頭邀截可將姚之富李全王廷詔

悉數生擒至芭葉山之賊首林之華等困守山寨已
如檻獸釜魚想額勒登保等圍剿不遺餘力蕩功當
在指顧間耳佇盼
捷音更爲殷切

含青齋疊去歲詩韻

歸政人當簡詠詩昨年詠此重成詞

昨年題是齋詩
有去年本擬罷

言詩小憇究難弗置詞之句益授璽後原不必依例
成吟然訓政勅幾康強如昨此時軍務繁懷不能不
濡毫見志是以重成是什非爲流連景物稍涉文人
綺麗之習實則自慙爲尙未生擒邪教賊首仍如去
歲望
捷也
已唾明犯綺言戒却慙去仍繁捷信思捨是更

何鬱悶遣幸惟所值雨暘宜今晨黔督馳佳報大勝

狎苗心畧怡

今日黔督勒保奏進剿狎苗於六月初五日率總兵張玉龍等帶領官兵前進

卡于河南北岸連日攻破賊卡一二十處殲斃一千三百餘人生擒七十餘人我軍前據山梁隨派令副將施楮等分剿納賴坡雞灣寨兩路賊匪殲戮無算生擒賊目老卜厭等一百餘人苗衆畏懼陸續赴營投誠者一百餘寨卽日可以直達南籠剿除苗孽同日滇撫江蘭亦奏滇黔交界處狎苗震歸天威聞風歸順者一千餘戶其苗匪竄援者復經總兵德英等率領官兵殲戮甚衆而吉慶此時亦可攻克亞稍寨渡江與勒保會合進抵南籠擒渠掃穴可期迅速肅事披覽奏章喜音旦晚可至爲之稍慰

河南巡撫景安奏報撫綏歸業農民辦理完竣詩

以誌事

教匪遠逃陝入川

湖北教匪擾及河南邊界屢經官兵追截竄入陝西商雒一帶復經

四路國剿賊匪復遁至川省之太平東鄉開縣附近地方近據宜綿等奏官軍會合攻剿賊甚多其勢益蹙又思竄入雲陽萬縣地界現諭設法堵截可冀擒獲首逆

河南善後撫陳箋廿

州縣昨被擾者萬戶口斯胥帖然

景安奏豫省南陽府屬之桐柘南召

唐縣泌陽鄧州內鄉新野淅川裕州舞陽葉縣汝寧府屬之信陽確山西平遂平羅山河南府屬之嵩縣

汝州屬之魯山陝州屬之盧氏光州屬之光山等二十州縣前經楚匪竄入其被擾地方均不過一隅中之一隅已遵旨先給籽種俾資耕作復散給口糧房費村民扶老携幼感激恩施俱各得所 賜急

恤窮向隅鮮明咨暗訪俾均全

景安飭藩司徧貼賸黃宣布諭旨俾小民

其見其聞並派道府率地方官清查散給復密差妥寔之人四處察訪又親往各屬按冊抽查卽傳耆老面詢領過銀穀數目與冊比較均屬相符安民可謂弗孤職問楚還因有

諭宣

景安於撫綏諸務寔力辦理俾貧民均霑寔惠可謂留心民事因交部議欽其隨同承辦之司

道各官亦著查明一體議敘因思湖北湖南兩省亦有應仿照景安辦理之處何以未據奏到因降旨飭

詢

邇日

邇日晴佳好秋陽暴稼成糧收閏夏早

今歲閏六月
節氣較早入

秋以來於七月初一初二日得雨沾渥此後連日開
霽幾及一旬十六十七兩日俱於早間微雨旋即晴
霽邇日曦陽晶朗於大田禾稼益資曬暴穎粒飽
綻計日即可登場較之往歲收穫之期早至半月

價

比昨年輕

今歲夏間熱河糧價較去歲本屬平減昨
詢之道府稱目下將屆西成豐穰可卜現

在糧價較夏間日減若將來
新糧入市價值必更輕賤矣

似此心應慰而何意總

俘擒兇圍較近

本日據額勒登保等奏官兵由下麥莊喇子山西面進攻至石柱嶺賊人

放鎗抵禦並亂擲石塊我兵奮勇直前搶至嶺巔賊匪驚竄滾巖受鎗箭而死者甚多福寧等於下麥莊覓道至鐮錫圍連克賊卡二座額勒登保復帶領巴圖魯侍衛官兵等攻擊腰帶巖上石壁高四五丈至二三十丈不等弁兵等用木梯繩索接遞密上至第一層岩頂將賊匪房屋卡座盡行焚燒拏擒賊目杜紹奇等訊據供稱林之華被官兵屢次截剿殲斃賊衆甚多器械亦多拋棄現在我兵周圍劄卡俱扼要隘賊衆糧食已盡無處可逃斷難久延指日即可成擒盼望捷音尤爲殷切

露布盼軍營

避暑山莊迴蹕至喀喇河屯行宮作疊去歲韻

週歲光陰瞥眼期行宮秋景未殊斯閱豐有象誠幸

矣

今歲各省奏報豐稔多在八九分以上關外亦
俱一律豐稔踴躍路所經崇墉比櫛誠堪欣幸

望

捷依然實愧之川竄楚逃賊氛盡

川省竄匪由夔州
巫山一帶逃至楚

北歸州及當陽遠安宜城地方經明亮德楞泰帶兵
繞至賊前截剿屢殲賊衆近據奏報於穀城耗子溝
楓樹壩復連得勝仗殺賊千餘賊勢日就窮蹙而額
勒登保圍剿帽子山賊已層層拏卡緊逼賊匪糧食
已盡無路可逃川省白巖山關口坪方山坪之賊經
宜綿惠齡恒瑞慶成百祥朱射斗等分路兜剿老木
圍困守之賊經觀成四面圍剿僅餘賊
卡三處指日可擒拏賊首迅速集事

雄兵強將衆

威滋

近因剿辦川楚賊匪原調官兵日久未免疲乏因發吉林索倫勁旅三千令惠倫阿哈保愛星

阿帶領前往此項官兵一以當百又調直隸山東山西兵共五千名合之原有官兵已及數萬聲威壯盛以之剿捕竄匪直如摧枯拉朽成功定在旦夕

七兇行待生擒首

襄陽鄖陽一路教匪

滋事之初係姚之富齊王氏李全爲首犯長陽一路係林之華覃加耀爲首犯達州則係徐添德王三槐爲首犯賊匪么膺烏合總因首逆未獲是以東奔西竄到處勾結屢經飭諭帶兵大員惟當將此七兇設法生擒其餘黨與自必紛紛潰散易於搜捕淨盡連日川楚各路俱屢經奏報得勝惟首逆尚未成擒不能不益切

懸盼耳

歸蹕迎看露布馳

湖北巡撫汪新奏報收成七分有餘陝西布政使

倭什布奏報收成八分詩以誌事

七分下稔

汪新奏湖北省入夏以來鄭陽施南宜昌三府陽西應時土脈滋潤其武昌黃州漢

陽德安襄陽安陸荊州荊門州等府州六月下旬始得透雨早稻藉以長發除應山遠安鄖西保康竹山竹谿六縣不產早稻外其收成九分者恩施建始二縣收成八分有餘者咸寧等四州縣收成八分者蒲圻等三十四州縣收成七分有餘者光化一縣收成七分者江夏等十九州縣合計通省收成七分有餘尚可稱

八分中

倭什布奏陝西省秋禾收成分數九分有餘者藍屋等九縣九分者孝義

下稔

等十一廳縣八分有餘者留壩等十二廳州縣八分
者耀州等十七州縣七分有餘者咸寧等二十三廳
州縣七分者咸陽等十廳州縣六分有餘者三原等
六縣合計通省收成八分市糧充裕價值平減寔稱
中 陝 楚北竹山竹谿賊匪思竄入陝西白
稔 西 遠 賊 氛 河 洶 陽 地 界 先 經 秦 承 恩 派 委 道 員
溫承惠等督率兵勇五千名在彼堵禦適副都統豐
仲布在關嶺剿賊失利溫承惠卽由後趕上山梁將
賊匪痛加殲戮餘賊畏懼奔逃未致闖入陝境因將
溫承惠賞給按察使銜仍賞戴花翎並令將軍恒瑞
提督柯藩帶兵前往 下 湖 賊 窮 川 省 竄 匪 由 湖 北 歸
被剿以期淨掃逆氛 北 賊 窮 州 當 陽 遠 安 竄 至 宜
城一帶經明亮德楞泰帶兵繞至賊前於耗子溝楓
樹坵連次克捷並於沿江北岸派兵防堵不令竄入

豫境賊匪屢經官兵剿敗勢已窮蹙思由穀城竄至均州復經明亮等疊加截殺餘匪退至孫家灣藏匿現有新調吉林黑龍江勁旅三千俱令前赴明亮等一路早晚即可齊抵軍營以如許生力精兵剿此逆逃餘匪勢如摧枯拉朽逆首姚之富齊王氏等不日卽就俘擒蔽功在邇佇盼捷音速至秦楚封圻原接壤民生欣苦總紛衷

遊萬壽山清漪園適接湖北巡撫汪新奏報川省奉節縣竄入楚北利川縣之賊匪全行撲滅詩以誌喜

山稱萬壽水清漪未到名園又幾時

自熱河迴蹕於重九前曾一至

清漪園嗣由香山迴至御園後因盼望捷音無心遊覽未至斯園已兩旬有餘矣

茲偶一來

圖解悶何期遠報引吟詞利川奉節羣兇聚

先是汪新奏川

省奉節縣賊匪竄至湖北利川縣境內糾集黨與萬餘人勢頗猖獗當經飭令副將樊繼祖率領兵勇前往剿捕並知會宜綿等添撥

臺吏鄉民頓剿夷

奉節賊匪

官兵會剿以期迅殄群兇

竄至利川之長堰塘經利川縣知縣陳春波率領兵勇奮力堵殺賊衆退至樓子壩地方其時恩施縣知縣尹英圖會同外委劉文玉率領兵丁挑帶健勇三千餘名奉節縣知縣周景福亦會同千總劉忠魁帶

兵三百名並挑帶健勇三千一百名與陳春波等三
面兜圍連次殺賊一千數百名賊匪竄入黃連坪山
分爲兩股又經尹英國周景福等分投追剿賊匪復
合併一處屯聚奉節縣之觀音洞抵死抗拒兵勇等
奪上山梁鎗矛齊發殺賊二千餘名生擒一百二十
餘名餘賊逃匿山內又經兵勇等縱火焚燒斃賊無
算擒獲賊首邱大才鄒倫陳大鵬僧海青四名并賊
口九名餘匪全行撲滅此次剿賊以三知縣與千總
外委激勵本處鄉勇數千將賊匪萬餘剋期殄滅寔
爲可嘉因將知縣尹英國周景福陳春波超擢知府
千總劉忠魁超擢都司外委劉文玉超擢守備並令
該撫查明出力之鄉勇義首分別賞給六七品頂戴
其奉節恩施利川三縣民人併力一心剿除匪黨均
屬能知大義特加恩將該三縣錢糧除上年降旨蠲

免外再免一年
以示格外嘉獎
豈不率兵諸將
在成功遂此爲
去聲慚

之川楚各路帶兵大員如宜綿惠齡觀成等分剿白
巖山黑樓門及通江巴州等處之賊恒瑞惠齡慶
成等剿辦竄入陝境之賊額勒登保福寧等剿辦帽
子山竄至巴東境內之賊雖節經奏報殺賊多名並
未能擒獲首逆卽明亮德楞泰追剿竹山竹谿竄匪
屢得勝仗而首逆熾之富齊王氏亦尙未就擒現在
添調吉林黑龍江勁兵陸續齊到此一路軍威倍加
壯盛可冀尅日擒渠次第將各路賊匪悉數殄平然
較之奉節利川以知縣千總等員竟能奮勇滅賊彼
此相形寔代爲慙慙因降旨通行飭催俾各知愧奮
迅速

藏功

卽事

征邪今已四圍之

賊匪自竄至陝境後屢欲偷渡漢江經官兵連次擊退由紫陽石泉

輾轉逃至漢中不能北竄現在北面有惠齡帶兵堵截東面有明亮德楞泰統領勁兵直前進剿而恒瑞慶成帶兵抄出賊前扼住西南柯藩復駐劄江岸防守官兵四面合圍賊勢已孤無從竄逸

逆首

生擒晝夜思

楚賊首逆如王廷詔李全姚之富齊王氏等皆經官兵逼向一路目下明亮等

統率大兵會合兜圍賊衆已如釜魚阱獸此數首犯自必立就俘獲至蜀賊王三槐徐添德冉文傳羅其清林亮公諸逆首現雖在川省各路滋擾計明亮等將陝境賊匪廓清後卽日帶領勝兵前至川境聲威

壯盛不難以次剿平將各首犯悉數生擒尅期蕝事
連日盼望捷音寔已屆大功垂成之際宵旰厯懷不
能不倍
深祭注
何事捷音猶未至益深遙企速來馳賊常東

竄西逃日

賊匪先由楚省竄至陝境叠被官軍剿殺
勢已萬分窘蹙賊黨內多係楚北人總欲

乘間北渡漢江潛回鄉土而明亮等彼此會商四路
兜截不令北竄一步賊匪計無復之思由漢中西南
一帶逃至川省邊界該處非賊匪土著路徑生
疎不過情急奔逃苟延殘喘斷不能稍支旦夕
將值

兵強馬壯時

明亮等一路所帶官兵本有數千續經
添調吉林黑龍江兵三千前往助剿前

據明亮等奏先到之吉林兵一千名臨陣殺賊無不
一以當百而黑龍江兵較之吉林兵尤爲矯捷計算

日內早經全數前抵軍營此一路有如許精銳雄兵
以前調察哈爾出青馬匹數千陸續齊到足供官
軍馳驟之用明亮等統領勁兵健騎剿舊簡遺愁試
此么膺匪黨無難尅日擒渠蕞功完善

披閱

自乙卯以來剿辦湖南苗匪繼以湖北教匪軍
務繁懷每形吟咏近偶披閱舊什多係遺愁望

捷之作亦足徵予之籌筆
焦勞寔無片時稍釋也

平苗願契昨年期

昨年期
亮等奏

報攻克石隆苗寨陣斬石柳鄧大功告成喜報係於
臘月望後奏到苗疆悉就敕寧現當剿捕教匪成功
在即之會前於二十二日據明亮等奏報與惠齡等
於漢江南岸北岸兩路夾剿其沔寧一帶又有恒瑞
慶成帶兵繞截賊匪不但不能偷渡漢江亦不能闢
入棧道似此各路圍逼成功當在指日或此時擒渠

喜報業已在途若於一二日內遞到則成功已十得其八明亮等卽統勝兵赴川剿捕餘匪不日可定計提音踵至當與上年平苗之期相仿寔深冀望

湖北巡撫汪新奏報楚省地方寧謐瑞雪應時無

庸展賑各情形詩以誌事

三軍驅逆遠入川耕民回籍欣逢年

楚北教匪前此由宜昌鄖陽一

帶逃至陝西邊境經明亮等統兵攻剿屢獲賊衆匪黨勢日窮蹙由紫陽洄陽白河逃至沔縣寧羌地方復折回漢中思由水淺處偷渡漢江適黑龍江勁兵齊至將偷渡之賊千餘名悉行截殺賊匪計窮力竭

竄入四川通江縣境現經明亮等帶領勁兵分路兜截楚境賊氛已遠其沿江一帶襄郢各屬地方居民早經復業又值收成豐稔四州縣適收畧歉口糧一氣象安恬闔境全臻寧謐

月資甘餐

本年楚北地方惟江陵監利荊門當陽四州縣因夏秋之交雨水愆期收成稍歉先

經降旨加恩賞給一月口糧俾小民得資口食

應否展賑例豫問

向來應賑地方於正

賑已畢後應否再行加賑例於冬間降旨詢問以待
新正加恩前因楚北江陵等四州縣被旱歉收恐來
年青黃不接之時民力不無拮据諭令該督撫體察
情形如有應需展賑及量爲接濟之處據寔查奏
奏稱毋庸民氣安

茲據汪新奏江陵等四州縣蒙恩賞給一月口糧現在督飭發放小

民得此接濟已屬餬口有資並先經該撫奏明於湖南省採買米十萬石以備糴濟之用如至來年青黃不接之時糧價或有增昂即可於歉收處所減價糴濟民力不致拮据毋庸復行展賑

八府冬

更各得雪

又據汪新奏襄鄖等屬前於十一月初間業經得雪續據武昌漢陽德安黃州安陸

荊州宜昌施南八府暨荊門直隸州稟報各屬俱於十月下旬及十一月上中兩旬先後各得瑞雪遠近一律普霑四郊彌望

春收卜稔輿情歡

楚省麥田得此應時雪澤

積厚至五六寸不等
土膏滋潤根莖益資蟠固來歲長陽剿賊破朱里餘

春收可卜豐稔民情倍增悅豫

二百逆迎頭攔

楚省黃柏山一股賊匪叠經額勒登
沐福寧帶兵攻剿先後殲戮甚衆賊

黨恃其險阻，輾轉逃匿。先由芭葉山一帶折入川境，復由川境折回竄至長陽縣朱里寨地方，負隅死守。昨據額勒登保等奏，已將朱里寨賊巢攻克，殲賊數百，各止有餘匪二百餘名。跳巖逃遁，現在分路追襲。務將首犯覃加耀設法擒拿等語。茲汪新奏到情形，亦屬相同。並據稱於京子山扼要堵截，復擒獲竄匪多名。餘賊分股逃竄，與巴東之大石橋相近。經該撫山東調歸州兜赴巴東迎頭攔截，其零星竄匪復選派將弁等會同地方官帶領兵勇於山鄉勇率撤各深箐密處所逐加搜捕，不使一名漏網。

安業

各處鄉勇幫助官兵剿賊，保護田廬，最爲得力。前此賊匪滋擾之處，毗連楚省，經該撫督飭地方官於沿江一帶多派鄉勇巡防堵禦。茲據汪新奏

楚境賊匪已遠，所有漢江南岸均州以東鄉勇撤去。

十分之六鄖縣鄖西等縣鄉勇亦撤去
楚北大靖羣
十分之七鄉民等各復故業安堵如常
黎謹惟是首逆當卽獲露布盼至何尙難

陝西巡撫秦承恩奏報漢江商民船隻流通情形

詩以誌事

晝夜無時不思提以臨年近益焦心

剿辦教匪之事
已及二載披章

籌筆宵旰靡寧寔無虛日近明亮等於十二月初六
日奏報殺賊後迄今已將半月未據續奏提音此時
距歲除已近盼
望尤爲焦切
英雄雖幸逼逆竄
賊匪前在陝境紫
陽洵陽白河沔寧

一帶滋擾屢經官軍分路兜圍不令北渡漢江及關入棧道月前黑龍江勁兵甫到卽將漢中偷渡之賊千餘名於江心截殺逆黨畏懾兵威俱由漢中竄至川省通江縣界距陝境已遠明亮等現在統兵追躡四面攻圍自當剋期奏捷惟擒獲首逆王廷詔李全姚之富齊王氏等喜音日久尙未奏到已屢降旨飭催

賊首尙遲報喜音陝靖楚寧江路達任來恣往客

舟諄

陝省興安漢中與楚省鄖陽襄陽接壤爲水陸通衢居民蕃庶全賴商貨往來以資食用本年

秋冬之際因川楚竄匪闖入陝境屢思窺伺江岸經該撫督飭將弁及地方官設卡嚴防將江面大小船隻全數收歸北岸今據秦承恩奏賊匪業已遠竄陝境肅清已令上下游商民船隻照常行駛現在百貨

流通往
火無阻

七言書慰慰增愧愧企
以看露布誌